

外證醫案彙編

同郡余君聽鴻以軒岐之術世
其家後父諱成椿有聲身道
咸聞卽世所稱麓泉先生者也
今陽羨士大夫猶能言之君
既嗣其緒復執贄於費蘭泉
藝益精會兵燹家中落家

平復理故業僑居孟河孟河
故多良醫有孫一振襄曲為
名公鉅卿所倒屣者有一時喧
赫舳舻銜接數十里者朕未嘗
以君忽之先緒初君來游
於虞始以施診試其術不數

載而道大行東北城鄉居民
尤崇信壬辰年求診扶老挈穉
履國為之穿山顧若自視歟
朕虛衷致問績學靡倦於書
無所不讀心領神會盡晰其
理尤梁表章前哲雖片褚隻

字零珠碎上必搜求掇拾擇其
精粹加以詮釋梨版行世先
大夫恆稱其政學謹受為近時
不多覩汪歲有傷寒論翼之
刻先大夫既幫訂其例而為之
序乃剞劂未竟而先大夫不

祿弗克見其成也今茲復輯
外科醫案彙論四卷將殺青
乃以善證余由漢與子兩世交矣
辱先公不棄得備孝友後聞踵
味名論今已不可再而此卷實
先公之所點定且有評語在不可

以勿紀年盡其端以竟先志
可乎余不敏未嘗知醫惟醫
之為書自古述今浩如煙海門
徑繁複窺窻深邃苦之所致
即今之所非此之所宗即彼之
所詬泛涉則靡所指歸精求則

勢有正的易所謂失之毫釐謬
以千里若棄敢以浮掠之見妄
論其得失也顧稔者既久不可
以不文辭又惟先大夫精究醫
理著述滿楹咸未及哀輯登諸
梨棗而此實手澤所寄吉

光片羽首獲壽世感且不朽矣
爰不揣固陋序其崖略如左聊
表其抱守之志以畱君請抑六
余罪戾云爾光緒甲午七月既
望

聖陽湖趙賓陽

諺云不爲良相當爲良醫良相
治世良醫濟世道雖不同其功
則一也陽羨聽鴻余君挾岐
黃術壬午秋仲來游虞麓予過
而訪之見其人樸誠溫厚紳宦
鄉民就訟者慎思切問毫不異

視無諂諛驕傲之容絕時髦矜
誇之習知非尋常醫傭所可擬
斯真有道之士也公慕殊深友
交最篤見其曩皆註青傷寒論
翼式書晰理辨疑醫家皆奉爲
圭臬又讀其外證醫案彙編名

家會集卓論紛披方經驗於前
人案皆徵諸寔事繁博者分其
門類奧妙者闡以釋詞碎玉零
金哀然成帙知其濟世之心胥
流露於字裡行間者矣式書經
陽湖趙惠甫先生訂正加以

評註

余君雅不欲刻予力勸

其梓行去煠傷寒論翼刊成已

昭昭在人耳目今當索其外證

醫案彙編以付手民余君正

色拒之者再曰式再刻書形跡

近於標榜豈竟欲使方家貽笑

吾等爲好名者耶予以濟在之
言動其濟在之念責其濟在之
功余君慨焉允許遂出書命
予執校讐之役予不諳醫理何
敢當此但好行其德予與余
君夙肩同情余君著書濟在

予勸其問世又贊其壽世存諸
前輩流風遺澤於無涯此書式
出定必紙貴式省不經而走與
傷寒論翼註二書並傳不朽棗
梨刊竣匠氏請序於予予不得
不以不文辭謝責遂援筆談緣

起於簡端皆狂

光緒二十一年歲次甲午仲冬月

上澣會稽孫思卷順齋氏謹序

醫書雖衆不出二義經文本草經方為學術規矩
之宗經驗方集筆記為靈悟變通之用二者皆並
傳不朽余多遭兵燹先人殉難孱弱多病舊業
盡棄不能奮志詩書繼先人遺緒嗜喜泛涉醫
集養難後餘生讀漢書藝文志醫學方技漢時尤尊
重之建安時仲聖恐去古日遠學術漸歧勤求古訓

博采衆方刪繁歸簡成傷寒卒病論為萬世醫方
之祖運移漢祚典籍散亡晉隋六朝並唐宋諸賢
維持醫學抱殘守缺畧而言之如王叔和葛稚川皇
甫謐吳普徐文伯陶宏景李鐙之巢元方金元起
王冰蘇恭孫思邈王壽高繼沖陳藏器成無己朱肱
皆抱經濟之才以經文本性經方傷寒各專一家為學

好古述而不作雖有名醫經驗等方未尚以浮薄醫
案輕示後學不敢自矜為獨解也宋置醫書局於編
修院命儒臣較正歷朝醫書春間設科考醫太醫局
程文至今在人耳目集太平聖惠方聖濟總錄嘉祐
本特等搜羅靡富為醫學大成宋前醫書賴其刊徵
而存其目所謂重學術不涉浮華醫之學術不衰醫

案亦不多見自後宋許叔微將經驗方案彙裒成
帙名本事方金元明諸家皆效之著書繁雜皆將
前人經驗自己治驗方案載於節末甚至卷帙
浩繁各舒己見而為心得誇富闢奢遂成門戶醫
案漸多矣至薛立齋專刻醫案七十八卷孫一奎新
都治驗三都治驗宜興治驗周子幹醫案續刻醫

案繆仲諳之廣筆記喻嘉言之寓意忤筆記醫案
雖多臨症方案未見至 國朝吳中葉天士先生
傑出具天縱才無書不讀名振寰宇終身未著書
雖有數種皆後人書賈偽託其名余讀唐書許肩
宗傳肩宗陳隋名醫終身未著書人求其著止肩
宗曰醫者意也在人思慮出而述別脈識症用藥

之難不敢著書貽誤後學天士先生亦屑宗一流人
耶後錫山華岫雲輯其晚年門人所錄方案不
載稱呼不誇效驗但冠姓於年掃盡諸家浮習分
門別類都為十卷名曰臨症指南醫案讀其方案
審病處方詳慎簡潔不刻意於古而自繞古趣此
所謂宗學術規矩恭以靈悟變通隨筆所著之

書也收入四庫全書後仿其體例而刻醫案者接踵而起張氏輯葉氏遺稿合康作霖王子接為三家吳氏合薛雪繆遵義又為三家其後喬輯其遺稿四卷曰醫案存真王小林輯其遺稿兩卷曰徐批葉案真本琴川曾仁伯延陵弟子記如皋吳渭泉臨症醫案筆記丹徒王久峯日記醫案海

甯王立雄醫案如皋顧曉瀾吳門治驗錄余居
孟河廿餘年集馬培之激君費晉卿觀察益三馬
君佩堂丁君沛三巢君日初馬君費蘭泉先生
麓泉堂伯諸前輩舊方至數万頁未得梓行余
見醫案雖多惟外科臨症方案未曾見也後得青
浦陳學山先生外證醫案讀之審病詳慎案句簡

潔雖不能與葉氏相抗聊可武其後塵余甚愛之
間有初學外科者以成方而治新病恐寒涼溫補誤
投外證未愈內證蠱起以致不可收拾內外推諉注
棄而不治余寔憫之陳學山先生專於內而精於
外合葉氏指南涉於外症者輯裒成帙與初學外
科者開靈活之機化拘執之弊稿成乞趙惠甫鄉

丈閱之加以評語置之未行會稽順齋孫君余道
義交也去秋慷慨助資刊余註傷寒論翼今春
見此稿欲余問世余曰醫之一道靈素九經文辭
質奧通人尚難章句班固疾醫之以熱益熱以寒益
寒醫之能辯寒熱者鮮矣瀉于意自云藥方試之
多不驗則十全者難矣人每問余醫理惶愧不

敢荅再一表書貽笑方家孫君索之再余笑曰史遷
云君所謂富而好行其德者也未便固却倩孫君
校正增刪都為四卷名外證醫案彙編以付手民
是書孫君贊助而成非余志也棗梨告竣索余
弁言於首余恐醫案日多學術日衰浮薄之風
日盛若勦襲辭句方案為行醫之捷徑華其外

而悴其內恐不足恃耳余髫年失學自愧不文爰
筆書此惟願吾道不涉浮華當重學術為是
光緒廿年歲次甲午十二月中浣荆溪余景和
聽鴻氏序於海雲寄舫

外證醫案彙編

凡例

一上古方書內外不分。內經有癰疽篇。金匱有瘡瘍篇。千金外臺。四子諸家。無不講究外證。今時內外各專其科。外科專仗膏丹刀鍼。諳內症者少。內科專司脈息方藥。諳外症者不多。病家每遇大症。或兼感冒寒熱。疑外科不諳內病。延內科用藥。立方每至內外兩歧。彼此相左。當表反補。宜托反清。內症未平。外症變端。蜂起攻補錯投。溫涼悞進。貽害匪輕。茲輯方案。內外兼證者多。俾司瘍科。留心體會。博考內症羣書。如遇內外兼證。始終一手調治。醫者可得心應手。病者亦受益多矣。

一內經曰東方之域其民食魚而嗜鹹其病皆為癰瘍其治宜砭石故砭石者亦從東方來吳中地偏東南海濱低窪之鄉濕卑之地濕熱薰蒸食魚嗜鹹瘍症最多茲專輯吳中名醫方案彙集成篇經曰四方有異治故他處名公佳作一概未錄

一此案本為內外兩科合同起見惟青浦陳學三先生內外皆精聽存先生門診醫案草本惜言外症者不多今輯存四百六十八首又三家醫案內輯吳門薛生白先生三首繆宜亭先生十八首又臨證指南醫案內輯葉天士先生二百三十七首集成四卷分一十三部七十三門以便閱者易於查核夫外症從百會疽起湧泉穴止症名繁雜聽自愧不敏有者採之無則棄之

不敢私心自立一方。畫蛇添足。外症名目雖多。醫案本非全書。潛心默契。治法全神俱在。能治此。即能治彼。若刻舟守柱。豈能貫通其理。能意會於中。變通運用。決無固執之弊。黃帝曰。知其要者。一言而終。不知其要者。流散無窮。故外症無者。概不標出。一附案四十六首。吳江徐洄溪先生。於時最近。精於瘍科。採入以廣見聞。先哲瘍症醫案。刊之甚夥。齊薛張王諸家。卷頁浩繁。徒亂心目。況有原本可考。概不採錄。聽妄附治案數首。或見聞確實。或偶爾倖功。皆實事求是。不敢虛誇謊誕。希邀名譽。願高明曲諒恕之。

一各部後附論。聽愧幼年失學。鄙俚無文本。不敢輕於落筆。貽笑

大方因友相勸曰醫學與儒學稍異不在措辭治法頗繁將諸經絡挈其綱領略為敘述以便閱者有緒姑不揣謏陋摭拾成篇皆診餘抽暇信手拈來從中句讀不明字理錯誤祈高明更正初學之士幸勿以句俚文淺忽之

一此案雖云外科方案之中內證十有七八如骨槽風失榮癰癤時毒風痰耳目鼻唇齒舌咽喉乳癆脇肋莖囊痔瘡肛漏內癰肺癰胃癰肝癰大小腸癰腎俞癰肛癰產後癰瘍潰瘍變症俱內外合治之症病家求治內外相左病豈能愈內外推諉又非濟世之道內外同診和衷共濟刀鍼圍貼立方用藥融通斟酌盡善盡美按日奏功自然聲名日上積德於後若內外妒嫉各

執偏見。置病家性命於腦後。倘一敗壞。謗毀盡起。名聲日下。不但損德。於己尤為無益。若遇不起之病。二豎深入。和緩難療。難免外人誹謗。今時總以成敗論人。不白之冤。勢所難免。決不可忿爭怨尤。徒亂心思。只要仰不愧天。俯不愧心。外言又何足恤哉。余每遇此境。輒誦瀧岡阡表。所云吏治豈不與醫治同。實無法挽回。求其生而不得。死者與我皆無恨也。之言。自然心地甯魂夢安。若從中稍有生機。或纖見不到。粗心浮氣。同道妨功害能。求其生猶失之死。為醫者豈無過歟。

一昔醫以和緩得名。乃左氏寓意。醫能和緩者。即為上工。今輯之案。皆瘍症和緩之方。輕可去實。臨正神奇。故外科駁雜霸道單

方概未採入。惟願同志皆歸醇正和平。王道緩治。雖無近功。不致一朝敗事。若不中病。誤亦不遠。余媿不知瘍科。思瘍症與內症相同。症險者。用方不能不峻。症雜者。用藥不能不雜。此等症。百中難見一二。如內科大承氣。四逆加人尿。麻黃升麻等。非常用之方。要平昔用功好學。臨症有處稽考。若胸無把握。遇重症。妄施誤投。反有病輕藥重之弊。故駁雜霸道峻劑單方。一概不錄。

一瘍科刀鍼圖貼。俱有衣鉢相傳。立方用藥。不出內科之理。臨證隨錄之方。皆臨時從心所發。錯綜變化。皆宗先哲本源。如儒家時藝。皆從先聖之書而成。醫學之內經。難經。傷寒。金匱。本草。經

即儒家六經語孟脈經甲乙經。即左氏公穀策語。唐宋金元諸書。即兩漢六朝唐宋之文。看臨證之方。如看時藝一般。將其神理體會得到古書之上。自知學有根柢。臨證取法用藥。自有左右逢源之妙。若不細心玩索。撝拾辭句。勦襲方藥。以病湊方。藉此為行醫之捷徑。大失輯書之意。貽誤後學之罪。吾豈能辭。

一方案雖分門別類。每類之中。各症俱有兼病。或內癰而兼外感者。或外症而兼內傷者。或實症夾虛。或虛症夾實。或外證日久而有感冒風寒。內停食滯。此外症虛。內證實也。若久病體虛。驟發癰瘍紅腫。此乃外症實。內症虛也。時令有寒煖。人體有強弱。年齒有老幼。或症同氣血。時令不同。豈能一一考覈。以此類推。

一方之中。自有一方之理法在焉。如作文以見症為題。單題截題。搭題。虛小題。大典題。全章題。半節題。一字兩字。三章四章等題。醫臨症時。必有兼病。能心領神會。看清題情。如作文平淡奇濃。心隨意轉。無不中窾。所以臨症方案。如時藝不廢之書也。為醫者。豈可不閱哉。

一先哲存方案。與後讀人者本難。要讀書識症立法。定方四事俱備。再合人事天時虛實通融更改。遂能有至妥至當之方。後人讀方案者。當知所立之方。宗何書。兼何症。用何法。辨其藥之性。細咀其味。自然醞疵立辨。融會貫通用之不盡。自為古人知己。若妄批誤刪。徐洄溪先生批葉氏案。尚不能知香巖先生底蘊。

何況識淺者不須言矣。

一吾友曰所編方案不知後人信否不知當時效否余曰萬事皆不出乎理知醫理者自然能辨自然能信不知醫理者不但不能辨別信亦徒然況青浦陳學三先生之案筆性簡明敏捷他人亦學不到此有居處地名者皆陳氏方案也葉天士先生之方案有臨證指南可攷薛繆二公亦有三家醫案可證每方之下故不註出何人手筆讀者查對明眼是能辨別也。

一聽本不知醫豈敢妄編此案因人以為外科易每以成方而治兼病余思陰陽虛實總歸內科一理若肺腎陰虛者溫熱豈可妄用脾胃陽弱者寒涼豈得誤投所以編集此案而化初學拘

執之弊。開靈活敏捷之機。與瘍症中未嘗無小補爾。

辛卯仲冬上浣荆溪余景和聽鴻氏識

瘍科論

徐大椿

瘍科之法全在外治。其手法必有傳授。凡辨形察色。以知吉凶。及先後施治。皆有成法。必讀書臨症。二者皆到。然後無誤。其升降。點去腐。生肌。呼膿。止血。膏塗。洗熨等方。皆必純正和平。屢試屢驗者。乃能應手而愈。至於內服之方。護心托毒。化膿長肉。亦有真傳。非尋常經方所能奏效也。惟煎方。則必視其人之強弱。陰陽。而為加減。此則必通於內科之理。全在學問根柢。然又與內科不同。蓋煎方之道相同。而其藥。則有某毒主某藥。某症主某方。非此不效。亦另有傳授焉。故外科總以傳授為主。徒恃學問宏博無益也。有傳授。則較之內科為猶易。惟外科而兼內科之症。或其人本有宿

疾。或患外症之時。復感他氣。或因外症重極。內傷臟腑。則不得不兼內科之法治之。此必平日講於內科之道。而通其理。然後能兩全而無失。若不能治其內症。則并外症亦不可救。此則全在學問深博矣。若為外科者。不能兼。則當另請名理內科。為之定方。而為外科者。參議於其間。使其藥與外症無害。而後斟酌施治。則庶幾兩有所益。若其所現內症。本因外症而生。如痛極而昏暈。膿欲成而生寒熱。毒內陷而生脹滿。此則內症皆由外症而生。只治其外症。而內症已愈。此又不必商之內科也。但其道甚微。其方甚衆。亦非淺學所能知也。故外科之道。淺言之。惟記煎方數首。合膏藥。即藥幾料。已可以自名一家。若深言之。則經脈臟腑。氣血骨髓之理。

及奇病怪疾千態萬狀無不盡識其方亦無病不全其珍奇貴重
難得之藥亦無所不備雖遇極奇極險之症亦了然無疑此則較
之內科為更難故外科之等級高下懸殊而人之能識其高下者
亦不易也

外證醫案彙編目錄

卷一

首部

腦疽

方十八首

論一首

天疽

方三首

銳毒

論一首

骨槽風

方十八首

論一首

案二則

禿髮瘡

方六首

論一首

項部

猛疽

方一首

論一首

夾喉癰

方三首

論一首

風痰

方八首

論一首

赤腮

方二首

論一首

燕窩瘡

方一首

論一首

失榮證

方五首

論一首

馬刀瘡

方三首

瘰癧

方三十首

論四首

案三則

時毒

方十二首

論一首

案二則

面部

目瘍

方二十一首

論一首

耳瘍

方三十八首 論一首

鼻瘍

方二十首 論一首

卷二

口部

唇瘍

方九首 論二首

齒瘍

方三十九首 論一首 案一則

舌瘍

方三十三首 論二首 案二則

咽喉

方八十一首 論四首

爛喉痧

方六首

疫癘喉痧

方三首 咽喉總論一首 案九則

卷三

外部

流痰

方四十九首 論一首

背部

發背疽

方十三首

蜂窩發

方四首

蓮子發

方一首

對心發

方一首

搭手

方三首

腎俞發

方一首

下背疽

方一首

丹毒發

方二首

肩井發

方一首

論一首

案九則

肩臂部

肩疽

方一首

樂疽

方一首

魚肚發

方一首

石榴疽

方一首

案一則

乳脅腋部

乳癰

方二十六首

乳巖

方十四首

論一首

案二則

脅癰

方八首

腋癰

方二首

肋癰

方二首

論一首

案一則

腹部

小腹癰

方三首

論一首

腹皮癰

方二首

臍癰

方一首

臍漏

方一首

臍中出水

方一首

前後陰部

溺管痛

方六首

子癰

方一首

囊癰

方四首

論一首

肛漏

方七首

論一首

痔瘡

方十四首

論一首

案一則

股腿脛足部

環跳

脊梁尻骨附

方八首

論一首

足膝

方五首

足指

方二首

脚氣

方四首

論一首

案一則

卷四

內部

內癰

方九首

論一首

案二則

肺癰

方四十首

論一首

肺痿

方八首

論一首

案六則

胃癰

方七首

論一首

案四則

肝癰

方四首

論一首

案二則

大小腸癰

方四十一首

論二首

案四則

腎俞癰

方八首

論一首

案二則

肛癰

方四首

論二首

案一則

發無定部

疔

方一首

瘡瘻

方二十九首

膿窠

方一首

論一首

熱毒

方一首

風疹塊

方二首

紅瘰

方三首

白癜風

方一首

論一首

產後癰瘍

方三首

潰瘍

方十三首

論一首

外證醫案彙編卷一

陽湖趙能靜先生閱

陽羨余景和聽鴻甫編輯

會稽孫思恭順齋甫校刊

首部

○腦疽

常熟俞 腦疽督脈所主現象堅硬而不紅活恐流毒於下延至

棘手姑宜溫理托毒以參消息延傷年重則毒上引易之氣

鹿角霜性溫大補角鐵性溫大補川芎性溫大補土貝性溫大補地丁草性溫大補

生黃耆性溫大補銀花性溫大補赤芍性溫大補甘草節性溫大補

太倉朱 腦疽根堅平塌藥餌化毒兼提此劑化毒提膿之味較差而可

生首烏

性平味甘入肝腎

紫草茸

性平味甘入肝腎

羌活

性溫味辛入膀胱

澤瀉

性寒味甘入膀胱

生黃耆

性溫味甘入脾

白茹蒂

性平味甘入肝

鮮笋尖

川芎

性溫味辛入肝

陳皮

用笋尖茹蒂提托非俗筆所能

瀏河施

平素

懣鬱

分久

虛腦

疽陡發

脈細

不揚

症屬陽陷陰

微加

以年

高胃

弱若

欲消

散須

延匝

月

若蒂生首烏治對口見王履素折肱漫錄主

製附子

性大熱有毒入心腎

嫩黃耆

性平味甘入脾

生首烏

性平味甘入肝

甘草

性平味甘入脾

遠志炭

炙殭蚕

性平味甘入肝

石決明

性平味甘入肝

鮮笋尖

性平味甘入肝

覆方

根盤

雖縮

膿腐

未除

四圍

紅暈

仍恐

毒邪復陷未訖竟入

坦途也

生黃耆

性平味甘入脾

黨參

枸杞子

性平味甘入腎

陳皮

性溫味辛入肝

甘草

銀花

炙黃耆

性平味甘入脾

於朮

性平味甘入脾

阜角

鍼

荷梗

用大有意味

黃耆生炙並

再覆方 毒去新生。納穀稍健。生機有慶矣。

人參補氣 金石斛養胃 銀花清熱 水炙黃耆補氣 雲苓補脾氣

製首烏養血 枸杞子補腎 甘草補氣

茵陳趙 腦疽五六日。高腫膿洩。甚屬佳兆。肥人多濕。濕多痰盛。

而氣虛故膿色白。滯不榮。皆由氣衰。最防毒陷。姑擬提托。冀其

膿稠納增。便為鬆候。

半夏開胃 甘草節解毒 遠志炭補氣 生黃耆提托 僵蚕祛風

生首烏補血 川貝母清肺 阜角鍼拔毒 雲苓補脾 笋尖提托

周莊錢 腦疽平塌。色暗高。年氣血兩虧。以致不能衝突。高腫。經

毒深厚。難以化腐。成膿。姑擬托化。以冀轉敗為功。

生黃耆

提托

生首烏

補肝

遠志炭

補心

甘草

補氣

紅花

破瘀消血

川貝母

清肺

白蔻殼

開胃

阜角鐵

補鐵

桔梗

化痰

笋尖

提托

覆方

大勢已鬆瘡頭起發腐脫脈大有力大有轉機仍以提托

治之

製首烏

長服

遠志

補心

甘草

補氣

黨參

補血

阜角鐵

補鐵

生黃耆

提托

茯苓

補脾

砂仁

理胃

再覆方

寢食得安脈象和協新胎溢然其瘡可待矣案語簡明情墨如金

用藥穩切
瘍科明筆

水炙黃耆

補

製首烏

長服

茯苓

補脾

穀芽

開胃健脾

水炙甘草

中

川石斛

養胃

黨參

補氣

建蓮

清心理脾

青浦孫 腦疽寒熱胸悶聽按痛症引腮項紅活高腫症屬順
候與寬胸化毒治之

半夏麴

同骨

陳皮健脾

藿梗

同胃

厚樸

銀花

解暑

白菴殼

同胃

枳殼

健胃

桔梗

扁豆葉

健脾胃

蘆墟李

腦疽偏發

是勝

勝濕熱上蒸

聽按以太陽

所喜

軟腫作

痛

皮色紅活

可期

易清

易斂

擬與清解之劑

羌活

引骨

陳皮

通肺

土貝

消痰

遠志

安神

生甘草

解毒

清熱

利便

通利

通利

防風

引骨

桔梗

通肺

白菴殼

同胃

荷梗

通利

芎藭

祛風

利便

通利

通利

通利

通利

接服方

老年重症

天氣酷暑

客旅起居不便

歸家調攝

自易向

知姑擬接服加

知姑擬接服加

知姑擬接服加

生黃耆提托 土貝內研 阜角鐵提托 白蔻殼開胃 六一散

忍冬花好者 厚樸去毒 半夏麴同骨 殭蚕好者 扁豆葉健脾胃

太倉陳 腦疽愈後頸項忽起紅暈兼發水泡此係毒未盡洩法

擬清涼解毒治之

烏犀尖同大 西洋參 生甘草同大 遠志炭陰乾 牡丹皮同大

天花粉提托 川石斛去毒 鮮銀花同大 鮮荷梗二方清正

某 頸項疼痛腐爛高突四圍皆發細瘰係積熱上乘太陽濕熱

陽明濕痰互結化火姑擬清化上焦積熱 方缺

某 頭顛熱癰未能泄邪此身熱皆成膿之象辛涼兼理氣血可

愈

連翹

治一切

犀角

治一切

銀花

治一切

丹皮

治一切

元參

治一切

甘草

治一切

青菊葉

治一切以上二案俱首項之症皆濕熱風上乘非腦疽對口也附於首部以便開者

對口

光福金

濕熱上壅發為對口幸其紅腫高突督脈所司猶為易

治藥劑調和責惟余任起居調養總要自司邪毒不致下陷

羌活

陳皮

殭蚕

石決

銀花

防風

遠志

笋尖

甘草節

黎里毛

偏對口較於正者猶重是足太陽膀胱所主毒易下注

最難起發所喜紅活高腫可免內陷之憂然調攝起居尤宜自

慎

生黃耆

阜角鍼

甘草

羌活

遠志炭

桔梗

僵蚕

防風

唐栖江 正對口。雖較偏易治。但平塌不高。根盤散漫。經所謂督

脈經虛從項發。正此謂也。姑擬托化。

人參

毛鹿角

生黃耆

金銀花

角鍼

川芎

甘草節

鮮笋尖

外症腦疽。即是對口對口者。腦疽之俗名。外科金鑑集於項部。腦癰。腦後發集於首部。瘍醫大全另將腦癰。腦後發。腦疽。歸一腦部。頗通將對口另歸一門。歸項部矣。余思腦癰。腦後發。腦疽。對口。皆生於腦後髮際之間。上下不適分寸之徑。症名雖異。所過足太陽督脈經絡。皆同。有何別焉。頭為諸陽之首。非火不能煅煉。成膿骨多皮薄。無肉化膿。若化火太過。與腦門最近。煙甚腦氣不得流通。腦為腎水之精華。最怕熱燥。化熱甚則髓熱。腦癰。神志憤亂。神去則死。此症外科中大險症也。余故將此方案。

編於首部之首。問者遇此症當
慎重焉。予外仲冬余聽鴻按議

腦疽對口發於正者反易治何也。因督脈起下貫脊行於上。故
毒氣得之反能衝突高腫。使邪毒不致下流低陷。乃為外發。故
多易治。督脈主一身之陽。陽主通。故易化。易潰生於偏。每謂難
治何也。因膀胱之脈起於額上貫顛頂。兩傍順流由項後而下。
與瘡毒交合下流。故瘡多平塌易陷。因太陽膀胱主司寒水。其
質多冷多沉寒主凝塞。故瘡難起難發難化難潰。余聽鴻註

○天疽銳毒

青浦吳 天疽生於左耳後。是七情所發。最忌毒不外達。多成內
陷。急投內托。以冀紅活高腫為順。

製附子

陳皮

阜角鉞

姜半夏

甘草

遠志炭

僵蚕

白蔻殼

長安周

右耳後銳毒形堅硬而頭伏是內發之症頗非輕淺倘

懷抱悵鬱雖有參苓亦奚以為

鹿角片

澄香

黃蓍

甘草節

遠志炭

炮薑炭

陳皮

紅花

半夏麴

角鉞

笋尖

覆方 疽頭得起內膿已化寒熱亦解大有鬆機所嫌根盤散漫

不收此元氣先虛未能載毒而出仍宜溫托助陽漸冀佳境

鹿角尖

枸杞子

川貝母

甘草節

陳皮

遠志炭

半夏麴

皂角鍼

笋尖

天疽生於左耳後一寸三分高骨處。天者天變之象。不得盡其
天年。屬肝。銳毒生於右耳後一寸三分高骨處。銳者鋒利之器
也。屬肺。此二者頭多堅硬。未潰先黑。未膿先腐。臭穢易生。元氣
易敗。此者皆七情久鬱。膏粱厚味壅熱而成。雖屬肝肺部。位
在太陽寒水之經。其脈從頭下項。行身之背。終於足外踝。經脈
下注。最易內陷。在骨高皮薄。肉少空隙之間。而近腦髓。氣多血
少。無物成膿。毒不得洩。鬱火內燔。煎燥腦髓。故內經曰。天疽。癰
大赤黑。不急治。熱氣下入淵液。循少陽之脈。下胸脇。前傷任脈。
內薰肝肺。董肝肺十餘日死矣。若瘍科臨症有決。急治得法。尚

可十痊五六。倘狐疑不決。挨延時日。不救者多矣。余聽鴻註

○骨槽風

上海張耳後顙項痛引項骨。是骨槽風也。飲食難進。寒熱時作。但此症初則堅硬難潰。久則瘡口難合。宜先與灸法。繼以清陽散火湯治之。

牛蒡子

防風

升麻

黃芩

連翹

荆芥

刺蒺藜

白芷

當歸

石膏

甘草節

江陰董

顙顙堅腫。

寒熱作痛。牙關拘急。此係風邪深入骨髓所

致。宜與疎解化痰為治。

煨葛根

前胡

青皮

杏仁

僵蚕

牛蒡子

桔梗

甘草

薄荷

茅根

蘆墟孟

骨槽風不斂多骨顯露證已經年愈非旦夕

刺蒺藜

川貝母

川石斛

稽豆皮

夏枯草

生牡蠣

地骨皮

天花粉

鮮蘆根

又九方

沙蒺藜

黨參

川貝母

女貞子

旱蓮草

生牡蠣

白芍

申薑汁泛丸

申薑即骨碎補一名鮮毛薑須剝去皮揀白嫩者搗

汁生牡蠣當水飛用余聽鴻註

金澤姚

穿顙發破久積膿成骨證屬肝胃二火所結擬舒厥陰

兼清陽明治之

北沙參

丹皮

黑山梔

花粉

甘草

旱蓮草

元參

川石斛

知母

申薑

嘉定吳 額頰抽掣。痛引顙項。此骨槽風之始也。且擬祛風化痰。令其內消為妙。

牛蒡子

防風

前胡

青皮

桔梗

荊芥

僵蚕

茅柴根

北疳孫 耳前顙頰堅腫。痛徹筋骨。此手少陽足陽明風火所結。始成骨槽風也。擬搜風清火法。

方缺

唯亭王

額頰時作抽掣。脈數而弦。此屬肝風上擾。宜滋水柔肝。

佐以祛風為治。

洋青鉛

熟地炭

鈎藤

懷牛膝

刺蒺藜

石決明

池菊

盛澤葉 骨槽風久腐孔深穢水不絕以致顛穿齒落是為瘍家
逆款勉以刀圭亦不過稍盡人事耳。

川石斛

白芍

川貝

花粉

丹皮

知母

茜草根

料豆

銀花

青浦毛

左頰漫腫堅硬幾經兩月漸知隱痛此酒濕與肝膽之

火互相搏結而成骨槽風之所由發也治以清肝化痰法。

青黛

川貝母

蘇子

天竺黃

甘草節

桔梗

遠志炭

殭蚕

枳椇子

瀏河汪 顙顙木腫隱痛。以致牙關不利。此肝胃之火上循牙齦為瘍。是為骨槽風也。

北沙參

川貝

川石斛

生牡蠣

蘆根

枇杷葉

桔梗

骨碎補

覆方 藥合病機。仍從前法。

北沙參

川石斛

骨碎補

生牡蠣

料豆

苦桔梗

枇杷葉

旱蓮草

蘆根

丹徒邱 骨槽風延久。流膿不絕。豈清涼散火所能療治。老膿成骨。宜補托並施。

黨參 茯苓 甘草 知母 元參

川貝 桔梗 瓜蒌仁

常熟蕭 骨瘤疽。經年。由五志鬱結而成。春夏之交。每每出血。恬淡其心。自可延年。如計收功。必須仙手。

北沙參 黨參 茯神 川貝 桔梗

海浮石 遠志 牡蠣 紫菜 此症部位相同故集與骨槽風內

嘉禾楊 骨槽風腫破日久不能盡消。內已醲膿。宜用中和湯托之。

黨參 白芷 藿香 白朮 麥冬 甘草

黃耆 桔梗 桂心 白芍 川芎 當歸

南翔陳 骨槽風過投寒涼以致肌肉堅硬腫脹皮膚不仁。古人云非理中湯佐附子不能回陽。非蠶蚕不能搜風。即此謂也。如法治之或可中的。

人參

甘草

製附子

於朮

乾薑

川貝

蠶蚕

蒺藜

艾葉

田涇戈 頰車穴堅硬不疼。此係少陰不足。陽明有餘。久延難治。骨槽風之端也。

沙蒺藜

天竺黃

川石斛

桑椹子

旱蓮草

女貞子

杜蘇子

絲瓜絡

某孩 週歲未得穀味精華。溫邪吸入。上焦先受。頭面頤頰浮腫。

邪與氣血混處。刀鍼破傷經絡。溫邪內閉。熱壅蔓延。三焦昏寐。痰潮。舌刺卷縮。小波點滴渾濁。熱氣癰結在裏。但膏連。桅。苓。藥性直降。竟由胃達腸。而熱氣如煙如霧。原非形質。可蕩可掃。故牛黃產自牛腹。原從氣血而成。混處氣血之邪。藉此破其蘊結。是得效之因由也。夫溫熱時厲。上行氣分。而漸及血分。非如傷寒足六經順傳。經絡者。大抵熱氣鴟張。必薰塞經絡。內竅。故昏躁。皆裏竅之欲閉。欲宣內閉。須得芳香。氣血久鬱。必致瘍毒。內攻。謹陳大意。聊叅末議。先用

紫雪丹三分。微溫開水調服。

此一藥本風溫時毒症。因骨槽風有六淫外發七情虛體內發部位。

相近集此條下並叅

夫骨槽風一症。有表有裏。有虛有實。外感六淫。內傷七情。膏粱厚味。肝膽火鬱。俱能成之。初生之時。耳前及頤頰筋骨隱隱痠痛。牙關拘急。漫腫無頭。或紅腫焮熱。皆少陽風邪深入陽明熱痰壅塞。水虧木旺。肝膽火鬱而成。從表邪外發者。尤為易治。祛風化熱。消腫化痰。可愈。如七情體虛內發者。始則堅硬難潰。潰則瘡口難合。多骨漏管。易生元氣易敗。臭穢膿水淋漓。治不得法。不救者多矣。細思其故。少陽少血多氣。脈絡空虛。為肝之外府。內經云。風氣通於肝。膽附於肝葉之內。於手少陽合為相火。其脈皆行過頤頰之間。由頤下項。易招風邪入內。內經云中於頰。則下少陽是也。陽明常多氣多血。陽明者熱氣盛大。上下牙

跟屬手足陽明膏梁厚味積熱於中壅塞血脈不得流行風火互結脈熱肉敗則膿成矣三經之脈從頭走足經脈下注從陽入陰或寒涼太過凝結難以起發久則顛穿齒落莫可挽回內經曰癰腫筋攣骨痛此病安生曰此寒氣之腫八風之變也曰油之奈何曰四時之病以其勝治之愈也此數語治法皆在其中矣況風之爲物遇隙即入遇物則張其威遇火助之流金燄石遇寒助之裂地凌冰所集案中初起有清陽散火法疎解化痰法堅硬有隔薑艾灸法舒厥陰清陽明法祛風化痰內消法搜風清火法有虛陽上擾滋水熄風法久延流膿補托並施法久延不消和中托裏法過服寒涼凝結之回陽搜風法內開熱

壅。芳香開閉疎絡法。方雖十七。治法皆備。所謂以其勝治愈也。雖治法皆宗金鑑。若不精於瘍科。臨證不眩。心如夜光之璧。筆如分水之犀。豈能心隨意到。余之不敢為瘍科者。知其難耳。余聽鴻註

一婦三十餘歲。氣血素虛。內夾痰飲。咳喘時發。始以肝氣入絡。流走肢體。或痛或愈。後有氣從左脅上竄。頻車引及項側。左額角抽掣極痛。按之熾熱微腫。始皆疑體虛。外風引及內風竄絡。骨槽風之見症也。初服清解祛風化痰。胸中痰飲氣逆。咳喘俱甚。若以二陳。苓桂朮甘。干姜。五味子等服之。喘咳可平。胸膈舒暢。而頰頭痛之更甚。纏綿日久。余曰。肝為風藏。膽為相火。少陽

之脈絡為水火升降之道路陰分虛則肝熱虛風上擾故升之則痛降則止肝血少木失涵養木旺尅土脾失運化飲食積蓄為停痰積飲若顧此失彼非其治也當柔肝抑木養榮健脾治風先治血血行風自熄之意用人參當歸身白蒺藜潼沙苑製首烏阿膠煨牡蠣棗仁白芍廣皮半夏茯神殭蚕炙草烏梅之類服五十劑而愈余聽鴻誌

吾同道某始起吐瀉服理中止後舌絳遍體氣竅攻痛惟背脊兩傍痛最甚抽掣項後作強正在太陽之脈服桂枝法亦無效後蜜至膏舌絳口糜服祛風平肝養血通絡少效後竄入牙齦煩車項側極痛牙關拘掣不利蹠而不煩精神倦怠症頗危險

即服人參歸身、炙肉、白芍、龜版、熟地、阿膠、麥冬、川石斛、女貞等。滋陰之品。漸漸痛止。後與余曰。醫無成法。此等症醫書皆未經見。若此症作骨槽風治之。危矣。余聽鴻誌。

○禿瘡

上海近。髮者血之餘。血不上朝。以致髮落。此謂禿髮瘡證。宜服補益之劑。方有裨益耳。

熟地

黨參

麥冬

白芍

潼沙苑

女貞子

黃耆

玉竹

歸頭

橘豆

刺蒺藜

又膏方

細生地

全當歸

旱蓮草

錢躑躅花

用麻油

十兩。將前藥入油內。熬至枯黑色。去渣。加黃蠟二兩。溶化。

收器內用指蘸擦之

又洗藥方

千脚泥

二兩

白頭翁

一兩

阜葵

五枚

黃連

三錢

懸龍尾

一團

胡荽子

五錢

青松毛

一兩

銹釘

七枚

用陰陽水煎數沸布蘸藥水揩之

躑躅花即開陽花千脚泥即鞋底泥懸龍尾即標上塵懸註

湖州章

頭皮搔癢津水淋漓破結膿痂此禿髮瘡也宜搜風涼

血治之

川芎

桔梗

防風

山梔

天麻

荆芥

黃芩

池菊

連翹

甘草

水漬李

因剃髮而成瘡此係腠理不密外風襲入漸漸毛髮脫

落血不朝宗理氣補散並進庶頭童者而為黎首矣

熟首烏

白芍

黨參

歸身

佩蘭葉

白蒺藜

黃芩

荆芥

甘草

鉤藤根

橫川施 不甚痛癢。漸次髮落。未老頭童。豈僅血虧。亦屬風燥。宜

養血祛風。

羌活

兔絲子

歸身

乾桑椹

枸杞子

川芎

宣木瓜

熟地

明天麻

白芍

禿髮瘡一症。皆謂胃經積熱生風。或謂肝經鬱熱生風。或謂血

熱生風。每以清熱祛風殺蟲之劑治之。實係皆屬肝腎不足。三

陽經督脈陽氣皆虛。何也。腎者精之處。其華在髮。女子七歲腎

氣盛。四七筋骨堅。髮長極。六七三陽脈衰。髮始白。丈夫八歲腎

氣實髮長。五八腎氣衰髮墮。六八陽氣竭於上鬢髮頰白。足少陽脈起目銳眦上額角足陽明脈起於鼻之交頰中循髮際至額顙足太陽脈上額交顙其支從顙入絡腦還出別下項足厥陰肝脈與督脈會於顙督脈起少腹下過陰器反從脊上衝顙項內經曰腎氣盛則髮長腎氣衰則髮墮陽氣竭則髮白故禿瘡髮落治在腎與三陽也陽氣虛不能衛外腠理不密外風湊襲此為表症涼血祛風一法也血不上朝氣血不得流通物朽亦可生蟲大補肝腎外以鯉蠟花油加潤燥涼血殺蟲內外兼治一法也血虛風襲補散並施亦一法也耄老頭童養血祛風一法也四方之中填補肝腎俱夾升陽散風之品養血分而兼

通陽若不攷覈內經列方豈能如此名人手澤傳後無慙余聽鴻註

項部

○猛疽

濮院徐 含下猛疽。由外感風熱。內傷酒濕。勢必釀膿。但此半月。其鋒正銳。苟得小膿。便爾易治。

枳椇子

杏仁

川貝

桔梗

牛蒡子

煨葛根

青皮

甘草

僵蚕

茅根

猛疽。俗名結喉毒。生於項前。結喉之上。呼吸之要道。皆屬憂熱。化熱。或肝肺積熱。膏粱炙烤。壅熱而成。其勢不拘大小。先以散腫軟堅。解肌化熱。冀其速軟。速潰膿洩。可保。若誤用寒涼。或成膿不銷。或腫硬太甚。膿不得洩。咽喉閉塞。呼吸不通。湯飲不入。

半日死矣。內經曰：發於咽中，名曰猛疽。猛疽不治，化為膿。膿不寫，塞咽，半日死。其化為膿者，寫則合。豕膏冷食三日，已。內經取名猛疽者，因其來勢太猛，倘猛不可遏，命立傾也。豕可不慎歟。輯存一方，聊備治法。余聽鳴註。

。夾喉癰

青浦薛 捧喉毒，漫腫無定，根盤紅暈，胸悶不渴，似走散之意，勉擬疎解化毒，以圖轉重為輕。

柴胡

前胡

煨葛

甘草

防風

桔梗

僵蚕

枳殼

茅根

覆方 疎解後，雖潰破，胸悶依然，此內陷之機也。急宜寬胸，以望

佳音。

蘇子

瓜蒌子

桔梗

廣皮

天竺黃

杏仁

白蔻殼

荷葉

再覆診。腐雖未脫。新肌已露。四圍紅暈略減。脈不數。無寒熱。口渴。已見順兆。一路調養得宜。可望全愈。

黨參

川石斛

橘紅

陳小麥

黃耆

棗仁

杜穀芽

牡蠣

猛疽。俗名結喉毒。夾喉癰。俗名棒喉毒。又名鎖喉毒。治法相仿。其症大異。何也。猛疽在任脈之位。任脈起中極之下。從腹一直上衝咽喉。上頤入目。其脈夾肝肺之積熱上升。來勢猛烈。恐其

阻塞呼吸、飲食之險。較偏者、易起易潰、捧喉毒、生於喉之兩傍。在手三陽、足少陽、陽明之位。又兼足厥陰、蹻脈、過其間。手太陽脈、從缺盆、循頸上頰。其病有頰腫、頰腫、手陽明脈、過缺盆、上頸貫頰。其病有頸腫、手少陽脈、出缺盆、上項、從耳後、屈下頰。其病頰腫、噎腫。足陽明脈、循喉嚨、入缺盆。其病有頸腫、足厥陰脈、循喉嚨之後、上入頰、頰陰、蹻脈、由足上缺盆、上出人迎之前。頰傍入頰與陽蹻而上、氣并相還。足少陽之脈、下耳後、循頸、其加頰車、下頸、合缺盆。其病有頰腫、夾喉癰、足厥陰、足陽明、風熱毒熱上攻而成。因經過之脈太多、氣血流散不聚、每堅硬漫腫、無頭、易於平塌。若外感風熱、在表者、易治。若膏粱厚味、積熱於胃、

或憂思鬱結。厥陰肝血內虧。少陽膽熱上升。在裏者難治。即與失營馬刀瘰癧石疽等相似。若誤服寒涼平塌內陷。誤服補熱毒火壅塞。喉閉不通。變成危症。若寒涼凝結。堅硬難潰。潰則難合。膿水淋漓。延成瘡。怯皆醫之過也。今輯留一案。始以柴胡疎通少陽。葛根疎通陽明。加搜風解表一法也。潰後餘毒欲陷。輕劑化痰和胃。一法也。潰後毒盡。氣血並調。清熱化痰和胃。軟堅一法也。存方雖三。治法極密。勿以方輕平淡忽之。若不細考內經。臨症熟悉。列此三方。豈易哉。余陳鴻註。

○風痰

青浦孫 痰毒勢欲作膿。胸煩口渴。須防驚厥之變。又值酷暑相

外感書言解
卷一
侵纖小之軀。扶持不易。姑宜末藥。

真珠

牛黃

天竺黃

川貝

辰砂

為細末。鈎藤湯下。

德清龐

風痰毒。

薑汁製天南星

竹瀝炒陳半夏

天竺黃

桔梗

防風

荆芥

白蒺藜

荷葉蒂

無錫吳

風痰發於少陽。藥以和解。

柴胡

鈎藤

防風

歸身

半夏

陳皮

杏仁

殭蚕

白芥子

劉女 年十六。天癸不至。頸項瘰癧。入夏寒熱咳嗽。乃先天稟薄。生氣不來。夏令發洩致病。陽氣不肯收藏。病屬勞怯不治。戊己湯去白朮。

康氏 頸項結核。腹膨足腫。肝木犯中。痰氣凝滯。

牡蠣 二兩 澤瀉 一兩五錢 夏枯草 三兩 半夏 炒二兩 厚樸 一兩五錢

橘紅 一兩 神麴 二兩五錢 茯苓 二兩 生香附 一兩 水磨汁泛丸

氣鬱痰核。

夏枯草 生香附 丹皮 山梔 連翹

赤芍 鬱金 橘紅

王四 脈左數右長。頸項結瘰。時切。

生地

丹皮

犀角

鮮夏枯草

鈎藤

山梔炒

土貝

薄荷

因嗔忿失血以來。致頸項左右筋腫痛連背部。此鬱傷氣血。經
絡流行失司。已經百日不痊。竟有流注潰膿。延綿之憂。治在太
陽少陽。

生香附

夏枯草

薄荷梗

鈎藤

丹皮

黑山梔

鮮橘葉

鬱金

頸項痰核。不外乎風邪入絡。憂鬱氣結。氣血失於流通。凝痰於
絡。俱在陽明少陽部位。故輯存治表三方。治裏四方。質之高明
參酌。余聽鴻註

○ 疔腮

蘇州查 風痰夾滯結於兩頤。發為疔腮。腫痛幾及匝月。其勢必潰。用加減牛蒡子桔梗湯。以得膿為效。

葛根

僵蚕

桔梗

赤芍

牛蒡子

前胡

甘草

橘皮

茅根

附 額上脹。鼻息不通。牙關。頰車。開合不利。頤腫。此乃足陽明交會之地。據述。喉腫之後。始起。宜從陽明治。而開合不利。是挾風使然。

葛根

犀角

生地

丹皮

杏仁

桔梗

連翹

山梔

疥腮一名髭發一名含腮毒。在二陽明之界。手太陽亦過其間。屬足陽明胃經積熱所致。或風熱所乘。與時毒風痰骨槽風。症同類異名也。若焮腫連耳下者。屬足少陽經。若連頤及耳者。屬足少陰經。臨症諒人之氣血虛實。病之新久。宜散宜補。宜涼宜熱。斟酌治之。立齋曰。此症而有不治者。多泥風熱。執用寒涼之劑耳。採存二方。亦備一格。與項症中合而參之。余疏鴻註。

○燕窩瘡

句容莫燕窩瘡。色紅。熱痒微痛。搔破則黃水浸淫成片。由脾胃濕熱而成。宜芩連平胃湯主之。

茅朮炭

黃芩

生甘草

橘皮

川黃連

薑汁炒真川厚樸

此即外科金鑑成方。色紅熱痒。芩連苦寒化濕熱。又苦以化燥殺蟲。合平胃樸朮苦以燥濕。橘皮健脾。甘草調中兼解毒。而和藥性。恐苦寒傷胃。脾健濕去。熱退癢止。濕盡滋水收矣。以藥合之。不必加減。見是病。即用是方。可見其用成方之妙。能靜註

○失榮證

元墓董 失榮已潰。愈爛愈堅。不時滲流血水。脈形皆現虛象。是謂敗症。但不可棄而不治。古人立和營散堅丸。最為恰妥。舍此別無他法矣。

人參

熟地

當歸

桔梗

升麻

茯苓

白芍

陳皮

昆布

紅花

白朮

川芎

川貝

海粉

甘草

香附

為末夏枯草膏泛丸

太倉陳 頸項痰核推之不動按之如石失榮已成

石決明

新會皮

滑石

甘草

連翹

川貝

江陰顧 症係失榮由肝氣鬱積而成消之不易全憑耐養為妙

甜葶藶

瓜蒌

川貝

杜蘇子

澄香

橘葉

覆方 證似輕鬆仍以散堅開鬱

青橘葉

通草

萋仁霜

蘇子

川石斛

鈎藤

川貝

月石

又丸方

毛沉香

白芍

茯苓

甜葶藶

川貝

天竺黃

海浮石

杜橘紅

夏枯草湯泛丸

失榮一症其名不可思議大約與馬刀俠癭類同名異也失榮皆屬少陽憂思鬱結者多外感風邪者少內損症也失榮者嘗貴後賤嘗富後貧處先順後逆之境失其尊榮鬱結而成故名失榮也鄙見是否明家教正內經曰嘗貴後賤雖不中邪病從內生名曰脫營貴時尊榮賤時屈辱心懷眷慕志結憂惺病從

內生。血脈虛減。名曰脫榮。嘗富後貧。名曰失精。五氣留連。病有所并。富而從欲。貧奪豐財。內結憂煎。外悲過物。然則心從想慕。神隨往計。營衛之道。閉以遲留。氣血不行。積并為病。內經雖概而言之。人處先順後逆之境。經曰。思則氣結。憂愁者。氣閉而不行。失榮等症。成矣。方書所謂鬱則達之。如木鬱則達之也。達者。通暢流利之義。不獨木也。諸鬱皆欲達也。其起之始。不在藏府。不變形軀。正氣尚旺。氣鬱則理之。血鬱則行之。腫則散之。堅則消之。久則身體日減。氣虛無精。願正消堅。散腫。其病日深。外耗於衛。內奪於營。滋水淋漓。堅硬不化。溫通氣血。補托軟堅。此三者皆鬱則達之義也。不但失榮一症。凡鬱症治法。俱在其中矣。

若治不顧本。犯經禁病禁。氣血愈損。必為敗症。故輯五方質之。
瘍科須究心焉。余聽鴻詩

○馬刀瘰

吳江徐 虛痰入筋絡。項側脹硬。形長如蛤。名曰馬刀。證由不足
而發。除根非易。茲與煎劑。冀其漸漸消磨。

半夏

昆布

甘草

元參

川貝

夏枯草

左牡蠣

忍冬藤

白芥子

蘇州孟

咳嗽遺洩。頸項結核。證屬馬刀。最忌腐潰。診得脈寸關

微更尺脈如絲。其為陰虛可證。姑宜毓陰化痰治之。

生地

茯苓

麥冬

牡蠣

米仁

川貝

北沙參 白芍 夏枯草

震澤倪 鼻淵已久。近加項下結腫如李。堅硬。此陰虛體質。又感

風熱所致。

牛蒡子 杏仁 荆芥 鉤藤 元參

桑葉 川貝 夏枯草

○瘰癧

太倉李氏頸項結核。將成瘰癧。此症多因肝氣不和。須情懷寬暢。

庶幾刀圭有益。

鱉甲 夏枯草 石斛 青黛 海浮石

川貝 天竺黃 料豆 荷梗

高郵繆 項頸結核。沿竄胸脇之間。累累相連。沒此起彼。斂而復潰。此乃腎陰虧。肝陽易動。致因脾土飲食漸少。宜調養性情。抑肝扶土。慢期奏效。若專於消尅。必致虛怯矣。

黨參

川貝

牡蠣

穀芽

沙蒺藜

橘白

料豆

石斛

黃耆

嘉興譚 癰破經久不斂。氣血虧弱可知。理應益補。但胸間又見結腫。虛痰滋蔓。延久難圖。當益補化痰兼治。庶潰者斂。而腫者消矣。

半夏

橘白

石斛

甘草

竹茹

參鬚

麥冬

黨參

枇杷

久壽堂集卷之六
一
蟲野朱 燕窩。應且與丸方。

京山棱 橘核 連翹 薑汁製南星

天竺黃 海浮石 澄香 白礬

用竹瀝水泛丸八角茶泡湯送下

唯亭王氏。應串破久不愈。經止五月。潮熱脈數。此屬血海空虛。丹溪謂瘧瘵屬膽。有相火。而且氣多血少。婦人見此尤忌。若月事以時下。寒熱不作。方保無虞。若變潮熱。其症危矣。今擬滋養厥陰。以冀熱退。經至。為愈。

雞血炒丹參 羌蔚子 銀柴胡 白歸身

酒炒白芍藥 地骨皮 金石斛 天竺黃

川貝

紫菜

青浦周 瘰在耳後屬少陽所司。開鬱化痰為治。

羚羊角

元參

牡蠣

薄荷

海藻

夏枯草

蛤殼

川貝

連翹

常熟俞 先後天交虧以致表寒骨熱頸項串瘰。防成虛勞。

地骨皮

海螺

鱉甲

米仁

石斛

天竺黃

海粉

茯苓

川貝

元參

北沙參

南京葉 血證時止時來。倉咳忽緩忽甚。瘰瘍焉能得愈。所謂用

藥無效。一不治也。

北沙參 紫苑

石斛

茯苓

鮮藕

清阿膠 川貝

麥冬

牡蠣

茅鉞花

瓜蒌皮

張墓陸 外體雖豐內本不足。頸項結腫。近加膝脛痠楚。正合肥人多痰之論。痰盛而氣必虛。風邪易湊。搏於肺經。肝主筋。故令筋縮而腫。初如豆粒。後若梅李。連續不一。成為串癰。藥難旦夕取效。擬清肝化痰以消息之。

青橘葉 牡蠣

秦艽

羌蔚子

刺蒺藜

天竺黃 川貝

丹參

癰有三。曰痰癰。曰瘰癧。曰筋癰。筋癰為肝木不舒。此名筋癰。能

接服方 鈎藤 橘皮 八角茶 橘葉

川貝 桑椹子 秦艽 續斷

盛澤吳 頸間痰癭。久咳不已。怯症漸成。

地骨皮 川貝 牡蠣 元參 杜蘇子

北沙參 杏仁 紫葉

蘇州李氏素患痰癭。有潰有不潰。總屬虛症。今見寒熱食減。經信久睽。足三陰並虧。耐養方得延年。

生地 元參 地骨皮 夏枯草 嫩鈎藤

土貝 丹皮 石決明 茅柴根

婦人以血為主。足三陰者。太陰統血。厥陰藏血。少陰藏精。三陰

精血不足。血脈乾澇。經水不通。氣鬱不行。癰癧成矣。聽鴻註

江甯彭 癰癧有風熱痰三毒之異。與結核寒熱有殊。其症多生於頸項胸腋之間。形名雖異。總不外恚忿鬱熱所致。遇怒脹甚。名曰氣癰。宜息氣調理。今見增寒壯熱咽項強痛結腫不消。宜散腫潰堅湯加減主之。

京山棱

昆布

當歸

白芍

連翹

軟柴胡

海藻

甘草

黃芩

花粉

左牡蠣

此方用海藻甘草之反。古人立方每每有之。甘遂甘草取其反者。可攻蟠踞內之堅痰。甘草海藻取其反者。攻其凝外之堅痰。

也。如人參五靈，取其相反，正虛血凝，五靈遇人參，其攻瘀之力更速，瘀去正安，恐正氣不接，故賴人參之力續之。古人用藥如用兵，此激將法也。激其怒烈性起，萬軍堅壘之中，擣其窟穴，斬旂梟帥，立建奇功，何懼堅硬不消也。此東垣散腫潰堅古方，加減能靜註。

德清袁耳下子母瘰癧串至缺盆，推之動，按之有根，屬手足少陽二經所發，症在陰分，又見潮熱咳嗽，恐成勞怯。

北沙參 茯苓 瓜蒌皮 元參 昆布

甜杏仁 穠豆 地骨皮 牡蠣 橘皮

常熱黃項後兩傍結核，日月已深，屬太陰寒水所司，外受風邪，與內濕凝結，初忽不知，後方知痛，皮色泛紅，有釀毒之兆，理宜

溫托不可專事寒涼

法半夏

陳皮

香附

益智仁

川芎

製僵蚕

薑黃

甘草

夏枯草

瓜洲錢 脾虛失運肝膽氣滯濁痰注於肌肉成核成癰消之不

易痰隨氣行氣順痰消宜通陽消濁法

旋覆花

茯苓

半夏

於朮

白芍

白芥子

海浮石

桂枝

歸身

甘草

無錫謝氏 癰癤寒熱盜汗腕中瘕聚紅潮失信大便溏薄咳嗽食

減春深至冬未痊此乃鬱損成癆難治之症

香附

丹皮

歸身

白芍

牡蠣

川貝

茯苓

夏枯草

橘葉

竹茹

光福胡氏頸項結核。寒熱盜汗。此乃憂鬱不解。氣血皆虛。倘若經阻。便難調治。

當歸

白芍

甘草

橘皮

茯神

茯苓

鈎鈎

南棗謝胡雨案與藥案同病症相符未尚不可用成法也故留之懸註

又丸方

生地

雨四

遠志

雨五

川貝

雨一錢

白芍

雨二錢

西洋參

雨五

茯苓

雨二

川芎

雨二

茯苓

雨一錢

歸身

雨二

外用夏枯草

雨八

海浮石

雨五

海藻

雨二

蛤殼

雨五

乾貝

雨四

磁石

雨五

液泛丸

嘉禾沈 療癰丸方

製首烏兩四 元參兩四 薄荷兩四 黨參兩三 生地兩四

歸身兩二 白芍兩二 天麻兩一錢 嫩防風兩二 草節兩二

川芎兩一錢 肥阜三十錢 十錢十錢 十錢十錢 十錢十錢 十錢十錢

煉蜜為丸兩九方以古酌今頗有意味聽註

某 癰癰之生。膽汁不足也。而木火因之上升。失血欬嗽驚悸。所謂上傳及肺。末傳寒中也。滋則碍脾。燥則碍肺。兼顧方穩。

人參 霞天曲 蓮肉 穀芽 淡菜

沙參 朱仁 鮮藕

陳十 癰勞在出幼之年。形脈生氣內奪。冬月可延。入夏難挨。由真

陰日燥。救陰無速功。故難治。

兩儀煎

朱三四。瘰癧馬刀。都是肝膽為病。病久延及脾胃。腹滿便瀼。舌黃微渴。非溫補可服。泄水火以疎之。和脾胃以調之。冀其脹勢稍減。吳萸 川連 生於朮 川棟子 炒山查

厚樸

青皮

黑山梔

椒目

趙氏 瘰癧寒熱盜汗。腕中瘕聚。經期不來。大便驚澹。嗆咳減食。春深至冬未痊。此乃鬱損成勞。難治之症。

香附

丹皮

歸身

白芍

川貝

茯苓

牡蠣

夏枯草

胡氏頭項結核。暮夜寒熱盜汗。此乃憂鬱不解。氣血皆虛。倘若經阻。便難調治。

炒當歸

橘皮

白芍

炙草

茯神

鉤藤

南棗

沈氏素有痰火氣逆。春令地中陽升。木火上引。巔頂腦熱。由清竅以泄越。耳鳴鼻淵。甚於左者。春應肝膽。氣火自左而升也。宜清熱散鬱。辛涼達於頭而主治。

羚羊角

黑山梔

苦丁茶

青菊葉

飛滑石

夏枯草

又方

照方去滑石加荷葉生石膏

又性情躁急。陽動太過。氣火上升。鬱於隧竅。由春深病加。失其條達之性。經言春氣病在頭也。考五行六氣。迅速變化。莫若風火。腦熱暗泄。而為鼻淵。隧道失和。結成癭核。夫東垣升陽散火丹。溪總治諸鬱。咸取苦辛為法。然藥乃片時之效。欲得久安。以怡悅心志為要旨耳。

連翹心

土貝

海藻

昆布

黑山柰

川芎

香附

鬱金

屠^三秋痢半年未愈。瘰癧堅硬痛。瘍膿鬱久成熟。府經病淺。可冀其愈。

夏枯草

香附

茯苓

苡仁

川貝

丹皮

陳躁急善怒。氣火結癭。燥筋為痛。熱鬱化風。氣阻痺塞。則腹鳴。

腕脹。木已起土當兼健脾開鬱聽註苟非開懷歡暢。不能向安。

土貝母 鬱金 海藻 白芥子 夏枯草

瓜蒌皮 山梔 昆布

癰瘡一症。其名雖多。不外乎外感六淫。風寒暑濕之邪。內傷七情。憂愁思慮之鬱。外感者。氣血未虧。屬表屬經。陽症易治。內損者。營衛已傷。屬裏屬藏。陰症難愈。丹溪曰。癰瘡皆起於少陽一經。余細考內經。惟少陽經有馬刀俠癭。曰。其癰堅而不潰者。名曰馬刀俠癭。急治之。細思其故。恍然而悟。少陽者。風火之府也。

而為相火。風氣通肝。與少陽合。故風火先犯少陽也。如傷寒先犯太陽。寒水同氣。相求易合。因少陽屬木。木最易鬱。木鬱不達。精血內消。水不涵木。相火易升。故瘰癧、表裏虛實。皆始起於少陽一經耳。內經一言盡之矣。雖則起於少陽。如傷寒起於太陽。藏府六經。皆可傳偏。不獨少陽一經也。故治瘰癧。當分六經。有少陽之風熱氣鬱。太陽之寒濕凝結。陽明之濕痰壅熱。太陰之腹脹便澹。少陰之咳嗽內熱。厥陰之經阻腹痛。俱有兼症。外症皆由內發。治外當兼治內也。今輯三十餘方。治法雖未盡。亦可見其大概矣。方書曰。不犯經禁病禁。如傷寒太陽寒熱。誤投少陽柴胡。引邪入裏矣。太陰之下痢。誤投少陰阿膠黃連。即成敗症。

矣。藥一錯悞。豈堪設想。內經云。毋臧。臧。毋虛。虛。損其不足。益其有餘。此二者。醫殺之。即此意也。如病家調理。自犯經禁。病禁。雖名醫良藥。亦難愈。若有所誤。俱成敗症。豈可不慎歟。如外治薄貼。鍼砭。園灸等法。各有師承。不在立方之內。不揣譎陋。聊作窮言。質之高明。余曉鴻註。

附案 琴川東鄉周姓農婦。早寡無嗣。有田面四畝。

出錢承租者謂

田面業主收租者謂田底

夫兄爭之不休。憂鬱而成脇腕痛。項側兩傍起核。

堅硬。就診於余。曰。憂愁氣閉不行。思則氣結。忿怒則肝火上犯。久則失榮。馬刀成後不治矣。幸經水極少未絕。猶可挽回。余勸其將田面讓於夫兄。勿因此多累也。紡織亦可度日。惜貧病相

連無資服藥。余勸伊無事行坐默念南無阿彌陀佛。可解愁緒。而絕忿爭之念。使肝氣條達。虛火不升。而可苟延歲用。以鮮芩芍切片。晒乾二斤。川貝母二兩。薑半夏三兩。共為細末。用淡海藻二兩。昆布三兩。煎汁泛丸。臨臥用雪羹湯。淡海藻三錢。大半脅五枚。煎汁送下三錢。再用歸脾湯原方。倍木香。加柴胡白芍。三天服一劑。經三月餘。項塊消軟。脅痛止。信水依時。諸恙霍然。後送余紫花小布一疋。因其誠笑而受之。若不勸其讓產念佛。終日擾攘不休。未必不死於鬱症也。聽鴻記

橫涇有王姓婦。因其夫私有外遇。不顧家事。有兒女各一。男六歲。女三歲。夫妻反目。抄擾不休。氣鬱日久。左項堅硬。脫痞脇痛。

嘔吐腹痛。經阻三月。醫皆疑為妊。後就余診之。按脈堅硬而面青黯無華。豈有妊娠之理。後其細述家事。氣血久鬱。防延變內熱咳嗽。不能治矣。問其夫偕來否。曰在寺前買物。使之先來。停刻即至也。其夫來寓。余曰。症由鬱怒傷肝。非妊娠。乾血勞難治矣。察其夫面色。畧變傍徨之狀。尚有不忍之心。余曰。若能依我三事。尚可挽回。若不能依。延他醫治之。其夫問故。余曰。一要三月不能出外。在家代其勞。二要順其性。倘有加怒。不可違拗。三要慇懃服侍湯藥。調理飲食寒暖。如能依此。一方可痊。其夫一一遵之。早服歸脾丸三錢。晚服逍遙丸三錢。再用歸芍六君湯。加二陳。香附。柴胡。一月服十劑。用海螵。紫菜等作羹食。調

理三月餘項間腫硬已消。月事以時下。夫妻反好如初。後偕至
余寓。擬一膏方。余見之欣喜。所以為醫者。團人骨肉。口邊功德。
不可不積也。若七情鬱症。不順其性。十難愈一二耳。余聽鴻誌
常熟某素性誠實儉樸。完姻數載。起馬刀失禁。從耳後項左側。
脹硬如臂。潰破膿水淋漓。咳嗽吐血便溏。大肉皆削。諸謂不治。
余曰。白髮在堂。極祿在抱。若棄而不治。於心何安。然貧病相連。
家窘不能服藥。孫真人謂一不治也。有其內姊丈某。解囊助藥。
資。余璧診金。盡心調理。服甘溫調脾。便堅效甚。痰多即用甘涼。
清潤。金土同調。咳減便仍溏。更番金土而治。如斯者三月。後脾
胃漸旺。大便稍堅。納增效減。後以歸脾法。加疎通氣血之品。再

以和榮散堅丸兼服。臥床載餘項腫潰爛亦斂。堅硬全消。起復如故。倘醫知難而退。親戚不肯解囊。亦不治之症。所以為醫當盡心。為親戚當盡力。絕症亦可勉力挽回。親戚中疾病相扶者。余甚義之。臨鴻誌。

○時毒

震澤崔 風溫熱將兩候。風陽上擾。以致面浮項腫。溫熱內熾。陽明熱結。而大便不通。熱蒸之氣上蒙清竅。神識不清。診脈左弦而數。右關洪大。舌苔糙黃。略帶灰色。此乃時毒大頭瘟也。議以疎風清熱。兼通陽明。以冀便通熱減。是為鬆機。

羚羊片

連翹

花粉

黃芩

枳殼

牛蒡子

薄荷

黑豆

象貝

知母

黑山梔

蘆根

竹葉

復方 熱勢已減。脈象數而稍緩。惟頭面紅腫未退。舌色乾紅。有時鼻衄。初起邪在氣分。熱久漸入營分。風乃天之陽氣。溫乃化熱之邪。兩陽薰灼。上焦先病。大便已通。神識亦清。再當清心營。清肺衛。自然漸安。

犀角

鮮生地

花粉

連翹

菊葉

川貝

牛蒡子

馬勃

知母

蘆根

桑葉

忍冬花露

荆溪張 風溫時毒。寒熱頭項腫痛。以冀一瀉。證自難集。

煨葛根

柴胡

杏仁

馬勃

僵蚕

牛蒡子

前胡

桔梗

甘草

茅根

上海金

胸項俱腫寒熱無汗此時毒也宜祛風達邪為要

荆芥

牛蒡子

前胡

青皮

防風

厚樸

貫衆

甘草

黎里徐

發成時毒胸膈不利咳嗽牽引則痛痰熱交滯肺肝受

傷法宜達邪行瘀佐以化痰托毒

柴胡

枳殼

鉤藤

蘇梗

青皮

杏仁

桃仁

桔梗

葛根

茅根

楓涇秦

風毒已有十餘日毒尚不化脈數無力此正虛邪旺之

故宜散邪寓補。

黨參

川石斛

僵蚕

生黃耆

桔梗

生甘草

角鍼

青荷葉

唯亭朱 病因耳項浮腫是屬風邪寒熱胸滿神識不清是屬裏熱。擬清散之法。以冀熱退神清。

葛根

杏仁

防風

橘紅

牛蒡子

前胡

桔梗

僵蚕

太倉龐 時毒法以疎散之。

牛蒡子

荊芥

甘草

馬勃

杏仁

豆豉

防風

桔梗

蟬衣

貫衆

西湖柳 茅根

張 溫邪自裏而發。喉腫口渴。舌心灰滯。上焦熱蒙。最怕竅閉昏
瘕。苦寒直降。攻其腸胃。與溫邪上鬱無涉。

連翹 黑梔皮 牛蒡子 杏仁 花粉

馬勃 瓜萸皮 夏枯草 金汁 銀花露

史 頭形象天。義不受濁。今久痛有高突之狀。似屬客邪蒙閉。清
華氣血。然常服桂附河車。亦未見其害。思身半以上屬陽。而元
首更為陽中之陽。大凡陽氣先虛。陰邪上入。氣血瘀痺。其痛流
連不息。法當宣通清陽。勿事表散。以艾炷按法灸治。是一理也。
吾師曰。項之上為陽中之陽。不可輕灸。總要認病真切。可灸則灸之。聽鳴誌。

熟半夏 北細辛 炮川烏 炙全蠍 薑汁

人陽氣為邪阻，清空機竅不宣，考周禮採毒藥以攻病，藉蟲蟻血中搜逐，攻通邪結，乃古法，而醫人忽畧者。今痛滋腦後，心下嘔逆，厥陰見症，久病延虛，攻邪須兼養正。

川芎 當歸 半夏 薑汁 炙全蠍

蜂房

史姓兩方，因頭腫高突，可知厥陰之脈與督脈會於顛，恐見此症作風溫誤投涼藥，故特錄之，以便臨症與時毒並參，勿致溫涼錯誤，聽鴻誌。

某風熱毒閉項後腫。

竹葉

滑石

牛蒡子

蘆根

馬勃

薄荷

連翹

黑山梔

川貝

生甘草

經云、上焦如霧而象天、頭為諸陽之首、諸陽之脈皆聚於面、風與火為陽邪、上先受之、元首為陽中之陽、與風火同氣、相求易合、人在風中、如魚在水中、呼吸出入、賴以養生、賊風虛邪、不能避也、時毒者、四時不正厲疫之氣、隨風而至、肺合皮毛、鼻為肺竅、天氣通於肺、地氣通於咽、或皮毛受邪、或吸之於鼻、傳之於肺、或亢熱日久、水中之毒、蘊之於胃、風氣通於肝、少陽風木外府、與三焦合為相火、風毒鬱於上焦、與諸陽之脈合而為熱、天行時疫、大頭瘟、項腫、時毒等症成矣、腫中者、清虛之處、本不能

受邪。而最易受邪者何也。胞絡之中。心肺居之。心為君主。肺為相傳。心肺在上。行一身之營衛。風溫先犯肺衛。熱阻上焦。氣分所謂清陽之邪。中上是也。急宜輕清辛涼解上焦之邪。若誤投溫燥。熱邪相搏。或大汗傷陰。熱邪內陷。傳入營分。先犯心主宮城。陷入手厥陰。即神昏。舌謇。痙厥險症見矣。疫邪屬毒。隨人體質而化。有夾熱。夾寒。夾濕。夾風之殊。又有上中下三焦之分。傳經虛實之辨。輯存一十二方。熱在氣分者。羚羊等徹之。傳營分者。犀角。地黃等涼之。邪滯於膈。未化熱者。厚樸。防風等開之。瘀滯者。桃仁。青皮等行之。正虛邪旺。參耆等托之。熱邪蒙秘。金汁。花露等洩之。附厥陰頭腫二方。非時毒症。恐溫涼誤治也。如陽

明之葛根少陽之柴胡桔梗之載藥上浮吞入各有妙用所以醫如上馬之將操舟之子無一定章程全在臨時變通也余聽

附案 常熟塔後孫姓姬年六十餘歲始因寒熱子媳不暇問及至六七日頭腫如斗色紅滿面水泡大者如栗小者如豆兩目合縫舌黑神昏撮空囈語瘰癧皆欲承氣等下之余曰熱邪溫毒先犯上焦熱薰膈中如煙如霧無質之邪蒙蔽胞絡苦寒直達攻其腸胃不能及上焦膈中之病反使高年氣弱乘虛下陷何如先將細磁拷碎擇鋒利者夾在筋頭上紮好將面上之泡破盡用棉拭乾滋水將芙蓉葉青黛大青葉人中黃研末鮮菊葉搗汁調敷乾則以菊葉汁潤之先研至寶丹一粒井花水

調服。再以犀角、羚羊、赤芍、連翹、中黃、梔皮、竹葉石膏、紫草、忍冬、花露等，輕清之劑服之。一周時，腫勢全消，熱去神清，再服白虎加人參湯、竹葉石膏湯，數劑而愈。余雖鴻慈

時毒風痰、卞腮、蝦蟆脹、大頭瘟等症，大江之南，春夏間最多。治亦不知凡幾，能致命未見。惟癸巳冬，見一異症，是冬無雨雪，亢旱而熱，某宦上口唇忽起一瘰，某醫以謂是疔，用刀挑破，折以藥條。外痂結好後，忽面腫漫延至頭，皆腫。羣醫集至，有云大頭瘟，有曰遊風毒，有曰疔走黃，有曰面遊風。各執一見，病家疑慮不決，方亦不敢亂服，挨延數日，胃氣日憊，煙穀不進。後又一醫曰：此疔毒竄於絡中，非大寒退熱不可。犀角、羚羊、金汁、玳瑁等

品。另服梅花點舌丹四九。有友與余言及此症。余素不諳外症。曰。無論大頭瘟。疔毒。時毒。溫毒。則一也。以輕重之間分之耳。然人元氣有虛實。體質有寒熱。膏粱之體必虛。嗜煙之體必寒。梅花點舌丹香竄。必耗散真元。寒藥過度。必損胃陽。熱雖退。正氣必不支矣。服藥後頭腫漸退。元氣日敗。毒陷不起。兩目出膿。耳鼻皆流血水。口吐血痰而斃。余思此症。不知如何治法。留質高明。倘遇此症。立定章程。不致病者太慘耳。是冬瘟痘盛行。種過牛痘者。皆出天花。服寒涼藥。債事者多。吾同鄉方孝廉令郎二人。一十九歲。一十八歲。余俱以溫補養元。托漿和脾胃。上漿結痂。皆順。雖痘症要先去毒。余思年長衰老出痘。非虛不能受此。

瘟邪又兼深冬陽氣潛藏天寒秘蟄非溫補內托不可。若在春
夏陽氣浮越小兒體質強壯有實熱寒涼亦必需也。見病治病
隨症立方是為真的。專信陳詔拘執寒涼偏於溫補非為上工
瘟毒亦然。余聽鴻誌

面部

○目瘍

崑山鮑 眼胞痰核。堅硬不痛。遷延已久。皮色不變。推之移動。在皮裏內外。由濕熱痰氣鬱結而成。擬二陳化堅法。令其消散。

半夏

橘皮

甘草

石決明

僵蚕

茯苓

黃連

車前葉

菱湖曹

眼胞紅腫。形如椒粒。名謂椒瘡。係脾胃濕熱所致。姑擬

清脾涼血法。

防風

赤芍

白鮮皮

橘皮

厚樸

荆芥

元參

蟬退

連翹

甘草

金壇賈 目大眚。睛明穴作痛微腫。病出厥陰風火。發在太陽經穴。瘡勢雖小。根源甚深。潰破多致成漏。議疎風清肝。務令消散。

黑山梔

歸尾

荊芥

薄荷

連翹

忍冬花

甘草

夏枯花

嘉善柳 睛明穴淚液過多。以致目乾細濇。時作抽痛。差喜外皮未破。姑與丸藥理之。除根不許。

沙蒺藜

北沙參

稽豆皮

潞黨參

雲茯苓

女貞子

象牙屑

荷葉蒂

九製首烏

盧墟崔 脾胃濁痰。肝經氣鬱。結於兩眼胞。成為結痰。形如豆粒。

不痛不癢。似乎小恙。然久積不治。損目之端也。

川貝

天竺黃

苦桔梗

石決明

杜蘇子

桑葉

夏枯草

法半夏

新會皮

海蛤粉

桐鄉鄧

漏睛瘡。膿從大眇內出者。例難收口。

黨參

歸身

茯苓

炙草

熟地

白芍

於朮

麥冬

丹皮

地骨皮

桑椹子

蟲豎莫

眼胞因毒。堅凝不痛。纏綿經年不愈。漸脹垂下。以致目

不能視。屬脾濕鬱熱而成。宜涼膈清脾。飲主之。

生地

荆芥

連翹

黃芩

煨石膏

生梔

防風

薄荷

赤芍

甘草

燈心

附清涼丸方洗

石菖蒲

歸尾

羌活

杏仁

地膚子

赤芍

膽礬

川連

共為細末、以薄絹包之、如櫻桃大、米泔水浸泡、乘熱蘸洗擦之、勿見塵土為妙。

黎里陳 眉稜骨高腫、堅硬如石、名曰石疽、有失血之慮、宜聽其自潰、可轉逆為順。

黨參

川貝

丹參

牡蠣

茜草

白芍

黃耆

附園藥方

三稜

白芨

廣木香

鬱金

南星

蓮木

青木香

土貝

半夏

覆方 眉稜較前愈覺高腫。仍然硬而不軟。即使得膿。難免損目之虞。

黨參

川貝

阿膠

黃耆

參山膝

白芍

棗仁

茯神

膽星

天竺黃

嘉善范氏 右脈弦數而滑。衝任不足。痰液凝滯空隙之地。潰則致成漏。時值酷暑。且與九藥理之。

桑葉

川貝

丹參

香附

阿膠

牡蠣

茯神

丹皮

同里袁

睛明成漏。旋發旋平。以屬痘後餘毒。最難絕源流。

西洋參

地骨皮

甘草

陳皮

夏枯花

川貝

桔梗

銀花

某風濕上鬱。目赤。脈左弦。當用辛涼散之。

桑葉

夏枯草

連翹

草決明

赤芍

某失血後。復受燥熱。左目赤痛。當以辛涼清之。

鮮荷葉

冬桑葉

生甘草

赤苓皮

萊豆皮

穉豆皮

鮑

秋風化燥。上焦受邪。目珠赤痛。

連翹

薄荷

黃芩

山梔

夏枯草

青荷葉

苦丁茶

桑皮

顧

頭額悶脹。目赤。

羚羊角 夏枯草 草決明 山梔皮

連翹 生香附

潘 頭面風腫。目起星。是氣中熱。

羚羊角 夏枯草 薄荷梗 穀精草 丹皮

小生地 望月砂 連翹 山梔

某 肝火上鬱。目眶紅腫。

連翹 赤芍 鮮菊葉 黑梔皮 苦丁茶

夏枯草

某 目胞浮腫。不飢不運。

桑皮 茯苓皮 大腹皮 廣皮 薑皮

苡仁

通草

常熟陳 嗜煙太多。本屬陽虛。喝雉呼盧。通宵不寐。陰陽倒置。兩目暈紅。色淡晝昏。夜明視物有歧。內經云。目者。心之使。神之舍也。營衛魂魄之所常營也。故神勞則魂魄散。志意亂。故陰陽不得合而精明也。治宜益氣升陽。參固神志。安逸調理。可不致氣脫失明之患。

黨參

黃耆

柴胡

歸身

炙甘

遠志

桑仁

木香

茯神

蔓荊子

製首烏

問曰。聖人治病。本無專科。今人分科。反使各立門戶。大失內經本旨。師曰。列方本從內經。刀鍼手法。各有師承。故咽喉。瘍科。眼

科不得不分。答曰：內經靈素先論九鍼諸科之中，各有妙用。師曰：書者，規矩也。刀鍼手法巧也。立方可循規蹈矩。刀鍼手法各有專歸。古時倉公氏以診聖，仲景氏以方聖，華陀氏以鍼灸雜法聖。即分專科之始也。大約治病立方，不出內科之範圍。譬如治傷寒，不循六經，鮮有不悞者也。目者，經曰五藏六府之精氣皆上注於目，為之精。精之窠為眼，骨之精為瞳子，瞳子屬腎筋之精為黑眼，黑眼屬肝血之精為絡，絡屬心氣之精為白眼，白眼屬肺肌肉之精為約束，約束屬脾故瞳子黑眼法於陰，陰屬下焦白眼赤脈法於陽也。屬上焦此數言五藏六府陰陽虛實寒熱標本皆在其中矣。若泥於五輪八廓七十二問病一百零八症，專於此科，徒亂心

余所輯十九方。眼胞痰核堅硬。以二陳化堅。椒瘡紅腫。以清脾
涼血。厥陰風火。以疎風清肝。淚液過多。目乾抽痛。滋水養肝。熄
風。肝脾結鬱。眼胞痰核。疎肝化痰。軟堅。漏睛瘡日久。填補肝腎。
眼胞固毒。清脾涼膈。石疽堅硬。補托軟堅。痘後餘毒。清肝養陰。
有風溫秋燥之辛涼。風熱氣分之清肺。肝火上鬱之涼肝。目胞
浮腫。運脾利濕。晝昏夜明。益氣升陽。治法皆遵成書。臨症自有
把握。治外兼乎治內。專科貴乎兼科。所謂循規蹈矩。使人巧也。
不但質之瘍科於內科。即專科亦有裨益。刀鍼手法。余少師承。
不敢與聞耳。余聽鴻註。

○耳瘍

寶山鮑 肝氣挾濕。右耳脹痛。以疎風勝濕治之。

羚羊角 薄荷 鈎藤 連翹 滑石

刺蒺藜 荊芥 池菊 丹皮 竹葉

吳江管 虛陽上升。耳竅塞窒。時痛。是下虛上實。清竅不能流暢。用滋補下焦。使陰火潛伏。

製首烏 白芍 女貞子 靈磁石 料豆皮

沙蒺藜 青黛 懷牛膝 石決明

覆方 加黨參 牡蠣 除石決明 青黛

周浦丈 腎開竅於耳。心寄竅於耳。肝脈絡於耳。總賴腎水滋養。耳得之而為聰。但年已七十矣。失聰不得為病。所患者。抽痛。未

免肝風內擾。上干清竅。今擬滋水柔肝。以安心神。

北沙參

青黛

茯神

蒺藜

白芍

洋青鉛

遠志

磁石

石決明

熟苜烏

乍浦盧

眩暈耳鳴。水不制火之候。以育陰和肝法。

黨參

茯苓

白芍

龍齒

料豆

棗仁

遠志

磁石

青浦蕭

稚年耳漏。防成聾疾。

生洋參

料豆

元參

石斛

粗藥珠

夏枯草

川貝

生甘草

揚州項

腎水虛怯。木鬱生風。兩耳模糊。時服。先以清輕洩降。緩

商鉞陰。

煨葛根

橘紅

青黛

石決明

半夏

刺蒺藜

磁石

鮮荷葉

常熟李

腎陰虧損。肝陽上擾。右耳乾痛。失聰。宜肝腎並治。

六味丸加

黑山梔

新會皮

池菊

膽草

鉤藤

崑山馮

耳聾。時脹。是腎陰不足。肝膽鬱熱上蒸。清少陽鬱熱。兼

以養陰為主。

北沙參

懷牛膝

稽豆皮

花粉

沙苑

製青烏

左牡蠣

荷葉

蘇州邵 腎開竅於耳。膽絡亦附於耳。凡元虛失聰。治在腎臟。邪蒙閉竅。治在膽腑。乃一定之法也。今年逾六旬。脈形細數。屬腎陰已虧。膽火肝風。又復上蒙清竅。致額痛耳聾。膿流不絕。成為聾耳。藥非苦寒能直降可效。治宜填補下元。滋水制木。徐圖見愈。

梨首烏

鈎藤

遠志

懷牛膝

磁石

稽豆皮

茯神

荷蒂

潼沙苑

周莊錢

暮年耳痔。形如牛乳。觸之則痛徹顛腦。係肝胃之火上

結而成。宜梔子清肝湯主之。

黑梔

白芍

丹皮

甘草

黃芩

歸身

川芎

柴胡

黃連

石膏

青浦槐

耳痔有年難期速愈

青黛

白芍

蒺藜

磁石

山梔

稽豆

石決明

菖蒲

荷葉

覆方 耳痔努出耳外脹痛破傷猶恐失血慎之

生地

川斛

羚羊

遠志炭

丹皮

茜草

元參

川貝

平陽湯 耳後縫間皮色紅裂時出黃水津津名為旋耳瘡此係

肝膽濕熱擬輕清少陽并滲脾土

羚羊角

連翹

赤芍

青蒿

黃芩

池菊

丹皮

米仁

六一散

附穿粉散輕粉

隔紙炒

炙甲片

鉛粉

元黃丹

共研細末香油調搽

太倉吳

耳根腫痛連及頸項脈弦數此肝膽之火擬平降之法

佐以舒鬱

柴胡

梔子

連翹

歸身

小香附

青皮

黃芩

元參

白芍

川鬱金

撫芎

南匯高

耳門赤腫痛引牙床屬上焦風熱宜清胃辛涼散主之

荊芥

薄荷

升麻

甘草

大力子

防風

池菊

白芷

桔梗

白蘆根

覆方

耳門痛勢稍緩口乾脈細數宗耳為腎之外候治之

生地

元參

連翹

酒苓

麥冬

花粉

赤芍

黃連

麸炒枳殼

平湖王

耳內熱癢出水屬肝膽風熱上壅宜清輕涼散治之。

鮮薄荷

夏枯草

鈎藤

連翹

青菊葉

石決明

鮮荷葉

丹皮

陳墓張 耳鳴失聰小便赤濁此屬陰火妄動之候宗內經腎氣通於耳。

六味加知柏肉桂

石牌秦

耳垂後焮赤腫痛狀如伏鼠寒熱間發此手足少陽二

經風火搏結而成名為耳根毒擬仙方活命飲主之。

防風 赤芍 角針 甘草節 銀花 白芷

新會 花粉 炒甲片 連翹 土貝

覆方 耳根毒起發易潰。本為順證。今腐脫新生。理應補益。擬香

貝養榮湯主之。

黨參 熟地 白朮 茯苓 甘草節 歸身

白芍 川芎 新會 生香附 桔梗 川貝

紹興馮 脈弦耳間腫連耳輪。痛生寒熱。名為耳發。已經五六日。

難以消散。姑擬托裏透膿法。

角針 甘草 青皮 黃耆 白芷 桔梗

當歸 銀花

復方 耳發腫痛已減寒熱得解病退之機此處氣多血少最難
腐潰今瘡頭孔眼不一形如蜂房膿亦易洩乃順證也當補益
清毒兼治之。

黃耆

歸身

茯苓

玉竹

廣皮

甘草

白芍

銀花

石斛

生地

嘉定沈 耳後毒失於托理誤投寒涼則毒不能外發耳遂攻耳
竅膿串耳內以致成漏宜煎丸並進可期全愈。

製首烏

女貞子

茯神

麥冬

北沙參

煨牡蠣

白芍

料豆

沙苑

再服十全大補丸

本城姜 風溫上鬱。右耳聾脹。

薄荷 馬勃 桔梗 連翹 杏仁 通草

許聖關陸 風木之鬱耳脹欲閉。

羚羊片 夏枯草 苦丁茶 連翹 薄荷梗

黑山梔皮 生香附

高郵畢 氣閉耳鳴。

鮮薄荷 杏仁 廣皮 防己 苦丁茶

連翹 厚樸 木通

本城莊 暑熱上鬱耳聾作脹咳嗽當清氣分之熱。

白沙參 杏仁 連翹 竹葉 六一散

震澤呂 頭痛耳鳴。歷經三載。脈來弦。腎陰虧損。肝陽上升。兼之

夢泄。理宜潛鎮。

茯苓

牡蠣

青鉛

鈎藤

首烏

魯豆皮

川斛

蓮鬚

某 濕溫。長夏最多。濕熱鬱蒸之氣。由口鼻而入。上焦先病。漸佈

中下。河間所謂三焦病也。治與風寒食積迥異。仲景云。濕家不

可發汗。汗之則痙。濕本陰邪。其中人也。則傷陽。汗則陽易泄。越

而邪留不解。濕蒸熱鬱。發現為黃。熏蒸氣隧之間。正如罨麪之

比。斯時病全在氣分。連翹赤小豆湯。可以奏效。今經一月。邪彌

三焦。自耳前後。左腫及右。癰瘍大發。夫癰者。壅也。不惟氣滯。血

亦阻塞蒸而為膿。穀食不思。陡然肉消殆盡。胃氣索然矣。商治之法。補則助鬱。清則垂脫。前輩成法。一無可遵。因思濕熱穢濁。結於頭面。清寂議輕可去實之法。選芳香氣味。使胃無所苦。或者壅遏得宣。少進漿粥。便是進步。經云。從上病者。治其上。雲樞云。上焦如霧。非輕揚芳香之氣。何以開之。

青菊葉 荷葉邊 金銀花 象貝母

萊豆皮 馬兜鈴 連翹 射干

煎好露一宿。臨服加金汁一小杯。

某耳內流膿。昔人為之。腎疳用六味丸加味治。今用其法。兼清少陽。

六味丸加 桑螵蛸 黃菊花 山梔

石決明 桑葉 黃柏 鹽水炒

猪骨髓芡實粥為丸

某 舌白咳嗽耳脹口乾此燥熱上鬱肺氣不宣使然當用辛涼宜薄滋味

鮮荷葉 連翹殼 大杏仁 白沙參

川貝母 萊豆皮

某 先起咳嗽繼而耳聾脹痛延綿百日不愈此體質陰虧觸入風溫未經清理外因傷及陰分少陽相火陡起故入暮厥痛愈劇當先清降再議育陰

苦丁茶 鮮菊葉 金銀花 生菜豆皮

川貝母 益元散 鮮荷葉邊

某 風溫發熱左耳後腫痛。

乾荷葉 苦丁茶 馬勃 連翹 杏仁

黑梔皮

某 左耳聾痛舌白脈數體質陰虛挾受暑風上焦氣熱宜用辛

涼輕藥

鮮菊葉 苦丁茶 黑山梔 飛滑石

連翹 淡竹葉

某 暑熱上鬱耳聾作脹咳嗽當清氣熱。

杏仁 連翹殼 淡竹葉 川貝 白沙參

六一散

定 頭痛耳聾。脹目微赤。少陽相火。上鬱以辛涼清解。上焦。

連翹 羚羊角 薄荷梗 丹皮 牛蒡 桑葉

內經曰。北方生寒。在臟為腎。在竅為耳。南方赤色。而通於心。開竅於耳。手少陽三焦之脈。而交出足少陽之後。上繫耳後。直上出耳角。其支從耳後入耳中。足少陽膽之脈。行手少陽之前。交手少陽之後。其支從耳後入耳中。走耳前。所以耳為腎竅。開竅於心。二少陽皆會於耳。心為離火。腎為坎水。三焦為水火之道。路。肝膽為風水之樞機。二少陽合為相火。人為一小天地。火升

水降如日月之東升西沒周流不息也。火亢賴水滋酒水沈藉火蒸動。離中虛陽抱陰坎中滿陰抱陽也。水火不得相離者也。水火升降不調三焦水火道路祕塞氣機阻滯雲霧不收龍雷上騰於天少陽風從內煽遇火勢若燎原遇水勢如翻海故風之性助物為威耳鳴耳聾耳脹耳根毒等各症見矣耳之疾虛則治在心腎實則治於風火。二言盡之矣。今輯三十六方心腎風火俱備雖曰外科皆出內科手筆若能心領神會舉一反三臨症未尚無小補耶。余聽鴻註。

○鼻瘍

崇明程 手太陰蘊熱致生鼻瘡理宜清肺。

羚羊片 桔梗 桑白皮 甘草 黑山梔

石決明 黃芩 連翹殼 荊芥 白蒺藜

南潯宋 鼻患不利。按脈弦數。此肝陽擾肺。非小恙。最宜養性。

枇杷葉 桑葉 杏仁霜 通草 石決明

鉤藤尖 蘇子 桔梗 荷葉邊

覆方 鼻生旋螺。係屬肺熱。又增咳嗽。氣逆。脈仍弦大。夏令伊邇。

須防咯血。

羚羊 蘇子 杏仁 馬兜鈴 瓜蒌仁

青鉛 橘皮 蘆根 枇杷葉 鮮竹茹

青浦葉 鼻為肺之外候。風溫客腦。則額痛鼻淵。兼之痰火氣逆。

姑擬養陰肅肺

北沙參 冬桑葉

辛夷

鉤藤

石決

白蒺藜

川石斛

料豆

枇杷葉

覆方 鼻流黃色濁涕有腥穢之氣是腦熱未楚仍從前法但此

症久延必致虛弱當以奇授藿香丸煎服之庶幾相須奏效

羚羊片

桑葉

辛夷

半夏曲

北沙參

生石決

石斛

蒺藜

枇杷葉

青荷葉

附

奇授藿香丸

鮮藿香

八兩

研極細末

雄豬膽汁

和丸

如桐子大

每服三錢

蒼

耳子湯送下

盧墟俞 鼻管焮腫兩傍色紫膿汁浸淫癢而不痛此為鼻蠱瘡
係風熱客於肺絡姑擬辛散治之

羚羊角

連翹

黃芩

生牡蠣

夏枯草

青荷葉

池菊

滑石

甘草

北圻莊 鼻痔形如榴子漸漸垂下窒塞孔中有碍氣息此乃肺
經風熱鬱久而成宜辛夷散肺飲主之

辛夷

生地

知母

百合

煨石膏

黃芩

甘草

升麻

麥冬

枇杷葉

杭州金 右脈洪數面鼻起瘰色紫腫痛此屬肺經血熱致發肺
風但來已久一時難得痊愈且與辛涼清解

荊芥

防風

蟬蛻

白蒺藜

桑葉

桔梗

甘草

黃芩

牛蒡子

杏仁

覆方 面鼻皮色稍淡紅腫依然宗風淫於內治以辛涼

羚羊角

黃芩

生石決

連翹

枇杷葉

生山梔

甘草

白蒺藜

桔梗

天花粉

無錫楊 肺風由手太陰血熱上壅發於面鼻延及頸項色赤而

紫熱盛入血且深姑擬祛風涼血之法

生首烏

秦艽

白蒺藜

花粉

桑葉

大料豆

甘草

細生地

覆方 肺風蔓延已定色淡痛減仿古人治風先治血血行風自

熄之旨。

生地

桑葉

秦艽

川芎

花粉

當歸

黃芩

赤芍

白茯苓

楓涇

顧肺風兼扶濕熱治以涼滲。

製軍

白茯苓

連翹

玉竹

甘草

苦參

石決明

山梔

黃芩

周莊王

面鼻花刺係肺熱上薰治宜清肅肺熱。

冬桑葉

黃芩

白茯苓

桔梗

枇杷葉

地骨皮

山梔

石決明

連翹

覆方

粉刺搔破結成白屑形如黍米宜枇杷清肺飲主之。

久病身虛
卷一
黨參

黃連

甘草

黃芩

枇杷葉

鮮鮮桑白皮

本城俞 咳嗽經時脈躁。此係肝火射肺鼻翅腐碎并防咯血。

代赭石

蘇子

地骨皮

桑白皮

瓜蒌霜

桔梗

枇杷葉

川沙陳 虛熱上蒸鼻淵已久。酷暑之令難期速效。

北沙參

麥冬

花粉

桑皮

白茯苓

玉竹

青鉛

料豆

諸聖閱 肝火刑金鼻竅鬱熱久防腐爛。治以瀉肝潤肺庶幾見

效。

枇杷葉 黃芩 山梔皮 花粉

石決明 桔梗 白蘆根 甘草

徽州儲鼻屬肺竅。又為氣主。鼻中起癰。防碍氣息。古人云。肺經濕熱。上蒸於腦。入鼻而生癰肉。猶如地得濕熱。上生菌草也。治以辛夷散主之。

辛夷 白芷 防風 細辛 木通 升麻

薺本 川芎 甘草 茶葉

江積瘀在絡。動絡血逆。今年六月初時。令暴熱。熱氣吸入。首先犯肺。氣逆血湧。強降其血。血藥皆屬呆滯。而清空熱氣。仍蒙閉於頭髓空靈之所。諸竅痺塞。鼻塞癰肉。出納之氣。都從口出。顯

然肺氣鬱蒸致腦髓熱蒸脂液自下古稱燠物消物莫如火但清寒直泄中下清空之病仍然議以氣分輕揚無取外散專事內通醫工遇此法則每每忽而失察

連翹

牛蒡子

通草

桑葉

鮮荷葉汁

青菊花葉

臨服入生石膏末煎一沸

張會卿曰鼻病無他也非風寒外感則內火上炎耳外感治宜辛散內熱治宜清涼知斯二者治鼻大綱盡乎是矣此治內症之大概也惟治外科者亦不能出此範圍鼻開竅於肺五味絡入鼻藏於心肺心肺有病鼻為之不利也屬陽明位居中土脾熱者鼻先赤傷寒二日陽明受之陽明主肉俠鼻絡於口鼻為

肺竅膽移熱於腦則辛額鼻淵鼻淵者濁涕下而不止也相火
司天歟。衄鼻室君火司天歟。衄鼻室肺之外症屬火者多風寒
濕兼而有之肺屬金畏火肺主氣風寒濕壅滯氣機至於鼻疽
鼻痔鼻癰鼻癰堅硬難除者或風寒鬱結或喜食膏粱燔炙陽
明化熱經絡壅塞而成陽明主肉故肉堅而不易化也屬陽明
者多。肺露瘡酒齎鼻赤鼻粉刺肺風或酒濕傷脾脾經蘊熱熏
灼於肺屬脾肺者多。腦漏一症其因有三或傷於風或傷於寒
或傷於熱或肝膽之熱上移於腦傷於風者太陽隱痛其涕清
傷於寒者額隱痛其涕濁傷於熱者其涕黃濁膩而臭穢者也
亦有腦髓不固淋下無度精氣不足致成虛怯今錄之方雖曰

外症皆屬內因。故治鼻須辨三因。內因。外因。不內外因。辨於指
掌。治鼻之法得矣。余聽鴻註。